

四庫全書

子部

欽定四庫全書

太平御覽卷三百五十五

宋 李昉等 撰

兵部八十六

甲上

釋名曰鎧猶塏塏堅重之言也或謂之甲似物乎甲以自禦也

廣雅曰函甲介鎧也

說文曰鎧甲也

音翰

臂鎧也

音雅

頸鎧也

世本曰杼作甲

宋衷曰少康之子也甲鎧也墨子同

書曰惟口起羞惟甲冑起戎

孔安國曰甲鎧也言不可輕教令易用兵

又曰魯侯伯禽都曲阜徐戎並興公曰善穀乃甲冑敵乃干

易說卦曰離為甲冑

詩曰小戎美襄公也備其兵甲以討西戎西方戎疆也征伐不休國人則矜其甲婦人能問其君子焉

又曰叔于田刺莊公也叔處于京繕甲治兵以出于田國人說而歸之

又曰清人在彭駟介旁旁

介曹也

又曰豈曰無衣與子同裳王于興師脩我甲兵與子皆行禮記曰介冑則必有不可犯之色

又曰介者不拜

言失容也

又曰獻甲者執冑

又曰甲若有以前之則執以將命無以前之則橐袒奉

胄

鄭玄曰甲鎧也。有以前之謂他。贄幣也。索鎧衣也。胄兜牟也。袒其衣出墨黻以致命也。

又曰國家靡弊則車不彫幾甲不組縢食器不刻鏤君子不履絲履馬不常秣

又曰賓牟賈侍坐於孔子言及武樂孔子曰武王克殷

濟河而西車甲衅

許靳切

而藏之府庫而弗復用然後天

下知武王不復用兵也

又曰君子耻服其服而無其容耻有其容而無其辭耻有其辭而無其德是故君子端冕則有敬色甲冑則有

不可辱之色

言色稱其服也

又曰儒有忠信以為甲冑禮義以為干櫓戴仁而行抱

義而處雖有暴政不更其所自立有如此者

甲鎧也干櫓者大小

也

周禮曰司甲下大夫二人中士八人

甲今時鎧也司其甲戈櫓官也

又曰燕之無函也非無函也夫人而能為函也

鄭玄曰以言燕

地之人皆能作是器不須國工也燕近強胡胡習作甲冑也

又曰函人為甲犀甲七屬兕甲六屬合甲五屬

屬讀如薳註之

謂上旅下旅孔續之數也革堅者孔長鄭司農
云合甲冑革裏肉但取其表合以為甲也 犀甲壽百

年兕甲壽二百年合甲壽三百 鄭玄曰革堅
者支久也 凡為甲必

先為容 服者之形容鄭司
農云容謂象武也 然後制革 裁孔之
權其上旅

與其下旅重而若一 鄭司農云上旅謂要以
上也下旅謂要以下也 以其長為

之圍 圓謂比
要廣厚 凡甲鍛不贅則不堅已敝則撓 鄭司農云
鍛鍛革也

贅謂質也鍛革太熟
則革敝死強撓曲也

左傳曰鄭武公娶于申曰武姜生莊公及共叔段莊公
即位使段居京謂之京城太叔後太叔治甲兵具卒乘

將襲鄭夫人將啟之公聞其期命子封帥車二百乘以伐京

又曰狄伐衛衛懿公好鶴鶴有乘軒者將戰國人受甲者皆曰使鶴鶴實有祿位余焉能戰

又曰楚成王欲黜太子商臣其師潘崇曰能行大事乎曰能以宮甲圍成王

杜預曰太子宮甲也

又曰晉秦師至河曲秦軍掩晉上軍趙穿追之不及返怒曰裒糧坐甲固敵是求敵至不擊將何俟焉乃以其

屬出

又曰宋華元獲于鄭逃歸後宋城華元為植巡功

植將主也

城者謳曰睥其目睹其腹棄甲而復

睥大目睹大腹棄甲謂亡師也于

思于思棄甲復來

于思多貌

使其驂乘謂之曰牛則有皮

犀兕尚多棄甲則那

那猶何也

役人曰縱有其皮丹漆若何

又曰晉侯飲趙盾酒伏甲將攻之其右提彌明知之趨

登曰臣侍宴過三爵非禮也遂扶以下公啖夫爇焉明

搏而殺之盾曰棄人用犬雖猛何為鬪且出提彌明死

之

又曰晉楚戰於邲楚王乘左廣以逐趙旃趙旃棄車而走
林屈蕩搏之得其甲裳

又曰齊晉陳於鞍齊頃公曰余姑剪滅此而朝食

姑且剪盡

不介馬而馳之晉郤克傷於矢曰余病張侯曰擐甲執
兵固即死也

擐貫也即就也

病未及死吾子勉之

又曰使呂相絕秦曰文公躬擐甲胄跋履山川征東之
諸侯虞夏商周之胤而朝諸秦

又曰晉楚戰於鄢陵潘尫之子黨與養由基蹲甲而射之徹七札

蹲聚也一發達七札

以示王曰王有二臣如此何憂於

戰也

又曰晉胥童夷羊五帥甲八百將攻郤氏長魚矯請無用衆既殺三郤胥童以甲劫欒書中行偃於朝矯曰不殺二子憂必及君公曰一朝而尸三卿余不忍也

又曰楚子重伐吳為簡之師

簡選練也

克鳩茲至于衡山使

鄧廖帥組甲三百被練三千

馬融曰組甲組為甲衷公族所服被練為衷甲者所

服杜預曰組甲成組文被練練袍也以侵吳吳人要而擊之獲鄧廖其能

免者組甲八十被練三百而已

又曰宋災樂喜為司城以為政使皇鄖命校正出馬工
正出車備甲兵

又曰諸侯會祖遂伐偃陽狄彌建大車之輪而蒙之以

甲以為櫓杜預曰狄彌魯人也蒙覆也櫓大楯也左執之右拔戟成一隊

百人為隊

又曰鄭子孔之為政也專國人患之乃討西宮之難

尉止

等作難於西宮
子孔知而不言
子孔當罪以其甲及子葦子良氏之甲

守以自
守
子展子西率國人伐之殺子孔而分其室

又曰欒盈帥曲沃之甲因魏獻子以晝入絳

又曰崔杼稱疾不視事莊公問崔子
問疾
遂從姜氏侍人

賈舉止衆從者而入閉門
為崔子開公也
甲興公登臺而請弗

許請自刃於廟弗許遂殺之

又曰楚蒍掩為司馬子木使庀賦數甲兵
閱數也
賦車籍

馬籍疏其毛色歲
齒以備軍用
賦車兵
車兵甲士
徒甲
步兵卒
甲楯之數
使仗有器

常既成以授子木禮也

又曰鄭伯有嗜酒為窟室而夜飲酒擊鐘焉子皙以駟

氏之甲伐而焚之伯有奔雍梁

雍梁鄭也

聞子皮之甲不與

攻己喜曰子皮與我矣晨自暮門之竇入駟帶率國人

攻之伯有死於羊肆

又曰諸侯將盟於宋西門之外楚人衷甲

甲在衣中欲因會攻擊

伯州犁固請釋甲

子木曰晉楚無信久矣事利而已苟得志焉焉用有信太宰

伯州犂也告人曰令尹將死矣

又曰鄭徐吾犯之妹美公孫楚聘之

楚子南也

公孫黑又使

強委禽焉子南戎服入左右射超乘而出女自房觀之

曰子皙信美矣抑子南夫也適子南氏子皙怒既索甲

以見子南欲殺之而取其妻子南擊之子皙傷而歸

又曰楚靈王伏甲饗蔡靈侯醉而殺之刑其士七十人公

子弃疾帥師圍蔡

傳言楚元道也

又曰齊子尾卒子旗欲治其室

子旗季施也欲并治子尾之家政

殺梁

嬰

梁嬰子
尾家臣

而主子良氏之宰

子梁子尾之子高蔓其臣
也子旗為子良主宰

曰孺子長矣

孺子謂
子良也

而相吾室欲無我也授甲將攻之

桓子善於子尾亦授甲將助之或告於子旗子旗不信

則數人告將往又數人告於道遂如陳氏桓子將出走

聞之而還

還子
根室

遊服而逆之

去戎備有官
遊戲之服

請命

問桓子
所至也

對曰聞彊氏授甲將攻子子聞諸乎曰弗聞日子盍亦

授甲無字請從

又曰齊惠轅高氏皆嗜酒

轅高二族皆
出惠公也

信內多怨彊於

陳鮑氏而惡之夏有告陳桓子曰子旗子良將攻陳鮑

氏遭子良醉而騁

飲及子良醉故馳告鮑文子也

遂見文子

文子國鮑也

則

亦授甲矣使視二子

二子子旗子良

則皆將飲酒桓子曰彼雖

不信

彼傳言也

聞我授甲則必逐我及其飲酒也先伐諸陳

鮑方睦遂伐欒高氏欒施高強來奔

又曰晉荀躒如周籍談為介王曰闕鞏之甲武所以尅

商也唐叔受之以處參墟匡有戎狄

又曰魯昭公伐季平子叔孫氏之司馬驪戾言於其衆

曰凡有季氏與無於我孰利皆曰無季氏是無叔孫氏

也融戾曰然則救諸帥徒以往陷西北隅以入

臨公闕也

徒釋甲執冰而踞

言無戰心

遂逐之

逐公徒也

公遜于齊

又曰吳子光伏甲於窟室而享王僚

掘地為室

王使甲坐於

道及其門

坐道邊至光門

門階戶席皆王親也專諸抽劍刺王

鉞交於胸

又曰卻宛直而和令尹子常賄而信讒費無極諧卻宛

謂子常曰子惡欲飲子酒

子惡卻宛

又謂子惡令尹欲飲酒

於子氏無極曰令尹好甲兵子出之吾擇焉

擇取以進也

五甲五兵曰寘諸門令尹至必觀之而從以酬之

曰無極辭

及饗日帷諸門左

張惟列兵甲其中

無極謂令尹曰吾幾禍子

子惡將為子不利甲在門矣子必無往令尹使視卻氏則有甲焉不往遂令攻卻氏之族黨

又曰齊伐晉夷儀東郭書讓登犁彌從之書與王猛息

將登而休息

猛曰我先登書斂甲曰曩者之難今又難焉

斂甲

起欲擊之

猛笑曰吾從子如驂之靳註靳車中馬也疏靳

是當冒之皮也。猛不敢與書爭，故言已之從書若驂馬之隨斬也。

又曰：齊伐魯，孟孺子泄帥右師。

孺子孟懿子之子武伯也。

顏羽御郕

洩為右

三子孟氏臣

冉求帥左師，管周父御樊遲為右季氏

之甲七千。冉有以武城人三百為己徒卒，老幼守宮次

于雩門之外。

南城門也。

五日，右師從之。及齊師戰于郊，師獲

甲首八十。

冉求得

齊人，不能師。

又曰：哀公會吳子，伐齊。甲戌戰于艾陵，展如敗高子國

子敗胥門巢王卒助之大敗齊師獲革車八百乘甲首

三千以獻于公

公以兵從故以勞公

又曰吳王夫差敗越于夫椒遂入越越子以甲楯五千

保于會稽

又曰孔文子將攻大叔氏訪于仲尼仲尼曰俎豆之事則嘗聞之矣甲兵之事未之聞也退命駕而行

又曰侯犯以邠叛武叔懿子圍邠弗克駟赤謂侯犯曰豈盍多舍甲於子之門以備不虞侯犯曰諾乃命舍甲焉

侯犯請易於齊齊有司觀郕將至駟赤使周走而呼曰
齊師至矣郕人大駭介侯犯之門甲以圍侯犯

又曰晉周綽射殖綽

齊大夫

中肩兩矢夾脰曰止將為三

軍獲不止將取其衷乃弛弓而縛郭最皆衿甲面縛

公羊曰成元年始作丘甲何以書譏何譏爾譏始丘使

也

何休一解曰四井為邑四邑為丘
甲鎧也幾始使丘民丘甲鎧也

周書曰年不登甲則纓滕宮室不容

戰國策曰陘山之事趙且與秦伐齊齊王懼蘇代為齊

獻書穰侯曰臣聞往來者之言曰秦且益起甲兵四萬人以伐齊臣竊必之弊邑之王曰秦王明而熟於計穰侯智而習於事必不益趙甲兵以伐齊也

國語曰晉平公射鵠不死使堅衰持之逸公怒拘將殺之叔向聞之曰君必殺之昔吾先君唐叔射兕于徒林殪以為大甲今君射鵠不死搏之不得是揚吾君之耻也

又曰勾踐云今夫差衣水犀之甲者億有三千

水犀不獸名

患其志行之少耻也而衆之不足也

史記曰晉趙鞅取晉陽之甲以逐荀寅與士吉射君側之惡人也

漢書曰甲不堅密與袒裼同此將不省兵之禍也

又曰周亞父曰介冑之士不拜以軍禮見天子為之動容

又曰魏氏武卒衣三屬之甲手操二石之弩負矢五十後漢書曰朱浮被彭寵攻懷懼上䟽曰今秋稼已熟復

為漁陽所掠百姓皇皇無所繫心三河冀州曷足傳後伏見
張豐狂悖奸黨曰增連年拒守吏士疲勞甲冑生蟣虱
弓弩不得弛

又曰曹操攻袁尚袁尚曰我鎧甲不精故前為曹操所
敗

東觀漢記曰祭遵薨賜朱輪容車遣校尉教騎士四百
人被玄甲

又曰將軍劉尚擊武陵沒議復遣將馬援年六十二自

請曰臣尚能被鎧上馬光武試焉既上馬據鞍左右顧
眄上曰矍鑠哉是翁也

又曰劉盆子與丞相二十餘萬人詣宜陽降光武積兵
甲於宜陽城西高與熊耳山等

魏志曰景元平肅慎國獻皮骨鐵雜鎧二十領

又東夷傳曰漢時夫餘王葬用王甲常以付玄菟郡王
死則迎取公孫淵誅得之玄菟庫

晉書曰桓伊為江州刺史卒初伊有馬步鎧六百領預

為表令死乃上之表曰臣過蒙殊寵受任西蕃淮南之捷逆兵奔北人馬器鎧隨處放散於時收拾破敗不足貫連比年營繕並已修整今六合雖一餘燼未滅臣不以朽邁猶欲輸力効命仰報皇恩此志永絕銜恨泉壤謹奉輸馬具裝百具步鎧五百領並在尋陽請勒屬領受詔曰忠誠不遂益以傷懷乃受其所上之鎧

又曰馬隆討涼州或夾道累磁石賊負鐵鎧行不得前隆卒悉被犀甲無所留礙賊咸以為神轉戰千里殺傷

以千數

又曰杜曾新野人少驍勇絕人能被甲游於水中凡有戰陣勇貫三軍

魏末傳曰司馬文王秉政徵諸葛誕既被徵請諸牙門置洛飲宴謂衆人曰前作千人鎧仗始成欲以擊賊今當還洛不復得用欲覓出將見人遊戲須臾還耳諸君且止乃嚴鼓將七百人出遂殺樂綝

吳歷曰魏文帝與吳王明光鎧

王隱晉書曰馬隆為武威太守之郡惡虜窟局樹機能
守斷道圍隆隆作八陣圖地廣則鹿角車營並進狹則
才屈施輪並戰並前智謀從橫出其不意以磁石累夾
道側賊鎧不得過隆兵着牛皮鎧得過賊以為神

又曰陶侃夢見司馬與侃鎧者長史陳協以為司馬者
國姓也鎧者捍國之器也節下當進位俄轉都督湘州
刺史

崔鴻後燕錄曰苻丕遣石越討慕容豐皆勸豐逆擊之

豐曰我無兵伏彼有犀甲不如待暮一戰而定之

三十六國春秋曰太康之初吳寇新殄未盈一紀干戈已尋蟻虬生乎甲冑驚雀處於帷幄

車頻秦書曰苻堅使能邈造金銀細鏤甲金為線以縲之

縲音
縲

宋書曰比年北州為虜所陷沈文秀被圍三載外無援兵士卒為之用命無離叛者日夜戰鬪甲冑生蟻虬

隋書曰長孫平為相州刺史甚有能名在州數年會正

月十五日百姓大戲畫衣裳為鎧甲之象上怒而免之
俄而念平鎮淮南時事進位大將軍

又曰張翥

於命切

累破賊有功徵入朝拜大將軍高祖命

升御座而宴之謂翥曰卿可為朕兒朕為卿父今日聚
集示無外也其後賜綺羅千疋綠沉甲獸文具裝

又曰權武少果勁勇力絕人能重甲上馬嘗倒投於井
未及泉復躍而出其拳捷如此

唐書曰元和中以尚書左丞呂膺檢校工部尚書充東

都留守舊例命留守必賜旂甲與方鎮畧同及元膺受
任無所賜朝論以東有寇虞時用元膺尤不當削其儀
制以沮威望諫官上疏曰華汝壽三州例賜戎械居守
之重固宜寵借上曰此數處並不當與其後遂皆停

五代周史曰唐景思為偏將顯德初河東劉崇帥衆來
寇世宗親撙六師以禦之及陣於高平景思於世宗馬
前距踊數四且曰願賜臣堅甲一聯以堅臣之効用世
宗由是知其名因以高平陣所得降軍數千人署為効

順指揮命景思董之使屯于淮上三年春世宗親征淮
甸景思繼有戰功

太平御覽卷三百五十五

原書魚尾下書名訛誤

欽定四庫全書

太平御覽卷三百五十六

宋 李昉等 撰

兵部八十七

甲下

兇鑒

楯上

甲下

吳越春秋曰勾踐使大夫種於吳曰竊聞大王興大義

誅彊救弱越使賤臣種以先人藏器及甲二十領以賀君
又曰公子光伏甲士於私室具酒而請王僚王乃被棠
夷之甲三重使兵衛至光家之門夾陞帶甲左右皆王
僚之親戚也專諸置魚腸劍炙魚腹中而進之刺王僚
貫達背王僚立死

獻帝春秋曰越騎校尉伍孚以董卓無道欲身自殺之
內貫小鎧拔佩刀詣卓卓送出閣執手告別孚引刀刺
卓卓多力却不中即殺孚夷其族

董卓傳曰卓孫年七歲愛以為己子為作小鎧冑使騎
馱決音馱馬與玉甲一具俱出入以為麟駒鳳鷄至殺人

之子如蚤虱耳

晉建武故事曰王敦死秘不發喪賊於水南北渡攻宮
壘皆重鎧浴鐵都督應詹等出精銳距之

宋元嘉起居注曰御史中丞劉損奏前廣州刺史韋郎
於廣州所部作犀皮鎧六領請免郎官也

鄴中記曰石季龍左右置直衛萬人皆五色細鎧光曜奪目

古今注曰章帝建初三年丹陽宛陵民掘地得甲一
述異記曰乾羅者慕容廆之十一世祖也著金銀襦鎧
乘白馬金銀鞍勒自天而墜鮮卑神之推為君長

家語曰孔子言於定公曰家不藏甲古之制也今三家
過制請皆損之

管子曰葛盧之山發而出黃金蚩尤受之制以為劍鎧

言其始也

孟子曰矢人豈不仁於函人哉矢人惟恐不傷人函人

惟恐傷人巫匠亦然故術不可不慎也

趙岐章句曰矢箭也函鎧也

孫卿子曰楚人鮫革犀兕以為甲堅如金石

慎子曰藏甲之國必有兵道

鹽鐵論曰強楚勁鄭有犀兕之甲

呂氏春秋曰田贊衣而見荆王曰先生之衣何其惡也

贊曰衣又有惡於此者王曰可得聞乎對曰甲惡於此

王曰何謂也對曰甲冬日則寒夏日則暑衣無惡乎甲

者贊也貧貧故衣惡今大王萬乘之主富厚無敵而好

衣民以甲臣弗得也意者為其義也甲之事兵之事也
劉人之頸剗人之腹墮人之城郭刑人之父子其名又
甚不榮也

呂氏春秋曰邾之故為甲裳衣帛

以帛綴甲

公息忌謂邾君

曰不若以組凡甲之所以為固者以滿竅也今竅滿矣
而任力者半組則不然竅滿則盡任力矣邾君以為然
曰將何所得組公息忌對曰上用之則民為之矣邾君
曰善下令令官為甲必以組公息忌知說之行也因令

其家皆為組人有傷之者曰公息忌知所以欲用組者其家多為組也邾君不說於是乎止官無以組用邾君有所尤也為甲以組而便公息忌雖多為組何損以組不便公息忌雖無為組亦何益為組與不為組不足以累公息忌之說用組之心不可不察

又曰趙攻中山中山有多力者曰丘鳩衣鐵甲操杖擊無不碎衝無不陷以車投車以人投人

說苑曰孔子之匡簡子殺陽虎孔子似之甲士以圍孔

子之舍子路怒奮戟將下鬪孔子止之曰何仁義之不免俗也夫詩書之不習禮樂之不修是吾之過也若非陽虎而以為陽虎則非丘之罪也夫由歌方和汝子路歌孔子和之三終而甲罷

崔寔政論曰貪饕之吏競納財用狡猾之工復盜竊之至以麻枲被弓弩鐵燂醢中令脆易治鎧孔又褊小不足容入凡漢所以能制胡者徒襦鎧弩之利也今鎧則不堅弩則不勁永失所恃矣

抱朴子曰屠犀為甲給乎專政之服裂翠為華集乎后妃之首雖出於幽谷遷於喬木然為二物之計未若棲竄於林薄攝生乎榛藪

文選曰介冑被霑汗

又曰金練照海浦

注練甲也

又曰玄甲曜日

陳林武庫賦曰鎧則東胡闕鞏百鍊精剛函師震推韋人製縫玄羽縹甲灼爚流光

孔融寘刑論曰古聖作犀兕革鎧今盆領鐵鎧絕聖甚遠

魏武軍策令曰素本初鎧萬領吾大鎧二十領本初馬鎧三百具吾不能有十具見其少遂不施也吾遂出奇破之是時士卒練不與今時等也

曹植表曰先帝賜臣鎧黑光明光各一具兩當鎧一領炎鍊鎧一領馬鎧一領今世以昇平兵革無事乞悉以付鎧曹

殷仲堪相王賤曰奉所賜馬鎧既足以獎厲懦心又以光華遠仕

庾翼與燕王書曰今致襦鎧一領兜鍪副

又曰鄧百川昔送此犀皮兩當鎧一領雖不能精好復是異物故復致之

李尤鎧銘曰甲鎧之施扞禦鋒矢尚其堅剛或用犀兕內以存身外不傷害有似仁人厥道廣大好德者寧好戰者危專智恃力君子不為

兜鍪

廣雅曰兜鍪謂之胄鉞鉞謂之鉞鍪

說文曰胄兜鍪首鎧也

易曰離為甲胄

詩曰公徒三萬具胄朱綬

毛萇曰具胄具飾也朱綬以朱綬綴之綬子林功

禮記曰獻甲者執胄獻杖者執末

又曰臨喪則必有哀色執紼不笑臨樂不歎甲胄則必

有不可犯之色

貌與事宜相配也

又曰車則挽綏執以將命甲若有以前之則執以將命
無以前之則袒橐奉胄

左傳曰公及邾師戰於井陘我師敗績邾人獲公胄懸
諸魚門

又曰秦師襲鄭過周北門左右免胄而下

又曰晉侯敗績于箕先軫曰匹夫逞志於君而無討敢
不自討乎免胄入狄師死焉狄人歸其元面如生

又曰晉楚戰於鄢陵郤至見楚子必下免胄而趨風

如疾

風也

楚子使工尹襄問之以方

問遺也

郢至見客免胄承命曰君

之外臣從寡君之戎事以君之靈間蒙甲冑不敢拜命

介者不拜三肅使者而退

又曰楚白公亂葉公亦至及北門或遇之曰君胡不胄

國人望君如望慈父母焉盜賊之矢若傷君是絕民望

也若之何不胄乃胄而進又遇人曰君胡胄國人望君

如望歲焉日月以幾若見君面是得艾也

艾安也

而又掩

面以絕民望不亦甚乎乃免胄而進

言葉公得民心也

穀梁傳曰古者被甲嬰胄非以興國也則以征無道豈曰以報其恥哉

漢書曰王莽傳云元始五年策王莽加九命之錫於是稽首拜受甲胄一具

後漢書曰劉虞每心忿公孫瓚不已自率兵十萬攻瓚將出從事代郡程緒免胄而前曰公孫瓚雖有過惡而明罪未正不若告使改行如不聽以武臨之瓚必悔禍謝罪

所謂不戰而服人也。虞以緒臨事沮議，斬之以徇戒軍。士曰：無傷，餘人殺一伯珪而已。寔遂大敗，斬寔于薊市。東觀漢記曰：祭遵薨，喪至河南，博士范升上疏曰：遵為將軍，雖在軍中心存王室，不忘俎豆，可謂守死善道者也。乃贈將軍給侯印綬，遣校尉發騎士四百人，被玄甲，兜鍪，兵車，軍陣送葬。

又曰：建武六年，馬武與衆將上隴，擊隗囂，身被甲，兜鍪，持戟，奔擊，殺數十人，囂追至，兵盡還，武中矢傷。

又曰上不親征彭寵朱浮上疏切諫曰連年距守吏士皆被勞甲冑生蠨虱弓弩不得弛上與下率焦心大兵冀蒙救護生活之

獻帝春秋曰孫策獲太史慈謂曰昔與卿神亭之役若為卿先如何慈對曰不敢面欺若兜鍪帶不斷未可量也吳志曰太史慈與孫策戰于神亭策得慈兜鍪

吳歷曰諸葛修作東興隄魏軍拒之時寒雪恪使丁奉等皆解鎧但著兜鍪持兵緣過時北軍見裸身緣過皆

大笑不即嚴兵便亂斫遂破北軍

晉書天文志曰魏文帝黃初六年十月有星孛于少微歷軒轅
占曰兵喪除舊布新之象時帝軍廣陵辛丑帝親御甲冑觀兵
沈約宋書曰元嘉二十七年北討至陝虜多縱突騎衆
軍患之薛安都怒甚乃脫兜鍪解所帶鎧唯著絳納兩
當械馬亦去具裝馳奔以入賊陣猛氣咆哮所向無前當
其鋒者應刃而倒賊忿之夾射不能中如是者數四每
一入衆無不披靡

王琰宋書曰晉康太守劉思道攻廣州殺刺史羊希龍
驤將軍陳伯紹討之思道迎擊之殺傷甚衆會紹髻解
兜鍪墜地退走見禽

車頻秦書曰苻登堅族曾孫堅死登自立皆刻兜鍪作
死休字示士以必死為度故戰所向無前

崔鴻前秦錄曰苻堅末慕容冲率衆登城堅身貫甲冑
飛矢滿身

後周書曰突屈之先臣於茹茹居金山之陽茹茹鐵工

金山形似兜鍪其後謂兜鍪為突厥因以為號

春秋繁露服制象曰夫執介冑而後能距敵者固非人
之所貴也

孝經援神契曰欲去惡鬼須具五刑五人皆持大斧着鐵
兜鍪將之常使去四五十步不可令近人也

戰國策曰蘇秦說韓王曰韓之劍當敵則斬甲楯鞬鍪
國語曰靡笄之役郤獻子陽曰余病矣張御曰受命於
廟受脤於社甲冑而效死戎之政也

又晉語曰郤至甲冑而見客免冑而聽命

樂資春秋後傳曰吳越令魏武侯厲衆五年秦人興師而臨西河魏士聞之介冑不待令而奮擊殺秦人者萬數

英雄記曰袁紹為公孫瓚所圍別駕田豐扶紹入空垣紹脫兜鍪抵地云丈夫當前鬪死而返逃入墻間豈可

得活

一云入
匿墻間

盧紉晉書四王起事曰建武元年天子還洛陽右將軍

張方啓陛下自鄴來還宜詢宗廟天子出因便剗啓
移都其夜方悉引兵從西明廣陽諸城門入自領五千
騎皆捉鐵纏稍擊兜鍪焦皆用涼州白鷄毛望之若茶
周遷輿服雜事曰刺校者校人之執刺兵者也首戴虎
皮胄

傳曰蒙臯比以犯陳蔡因是有虎皮胄焉蜀隊戴貝胄
被犀角此古制也詩云貝胄朱綬謂以貝齒飾胄朱綬
綴之也胄插以翟尾垂以紅絮朱綬之象也

晉令曰軍列營步騎士以下皆着兜鍪

郭義恭廣志曰獠在牂柯興古鬱林交趾蒼梧皆以朱漆皮為兜鍪

家語曰孔子對魯哀公曰介冑執戈者無退懦之氣非體純猛服使之然

孔叢子曰陳王曰將居軍之禮勝敗之變如之何太師曰介冑在身執銳在列雖君父不拜

又曰子高曰夫儒者居德行道則袞冕之服統師旅則

有介冑之服

韓子曰天下無道攻戰不已甲冑生蟣虱燕雀處帷幄
虞喜志林曰宋祭酒云可以行禦者為械謂鎧甲兜鍪
也

抱朴子曰夫德教者黼黻祭服也刑罰者捍刃之甲冑
也若以德教治狡暴猶以黼黻禦剡鋒也以刑罰施平
世是以甲冑升廟堂也

又曰忍痛苦之藥石者所以除伐命之疾嬰甲冑之重

冷者所以扞鋒鏑之集

又曰盤旋揖讓非禦殺之容貫甲纓冑非廟堂之飾

曹植表曰兩當鎧二十領兜鍪百副

陶侃荅溫嶠書曰奉所送帳下得蘇峻兜鍪鎧作之
巧劼用功殊多戰器不事須此也意謂不如三甲者逆
賊身所服此是凶器古人惡其名得此兜鍪者猶以有
功令賞其細葛一端

魏武帝上事曰臣前上言逆賊袁尚還即厲精銳討之

今尚人徒震蕩部曲喪守引兵遁亡陳車被堅執銳朱
旗震耀虎士雷譟望旗眩精聞聲喪氣投戈解甲翕然
沮壞尚單騎送走捐弃偽節鈇鉞大將軍邠卿侯印各
一枚兇鏐萬九千六百二十枚其矛楯弓戟不可勝數
于寶百志詩曰壯士稟桀姿氣烈有自然俯仰辟雍中
胡能救世艱闕鞏代縫掖兇鏐易進賢

楊雄長楊賦曰高祖奉命順斗極運天關橫距海漂崑
崙提劍而叱之所過靡城斬邑下將降旗一日之戰不

可殫記當此之勤鞫牟生蟣虱介冑被霜汗

文選曰朝食不免冑夕息常負戈

又曰貝冑星離

以貝飾之

楯上

釋名曰楯遯也跪其下避刃以隱遁也大而平者曰吳
魁本出於吳為魁師之所持也隆者曰滇盾本出於蜀
蜀滇所持也或曰羗盾言出於羗也約而鄒者曰陷虜
言可陷破虜敵今謂之曰露是也狹而長者曰步楯步

兵所持與刀相配也狹而短者曰狹子盾車上所持者也子小稱也以韃編板者謂之木絡盾世以犀皮作之曰犀盾以木作之曰木盾皆因所用為名也

許慎說文曰楯音猷也所以捍身蔽目象形聲也櫓大盾也

揚雄方言曰盾自關而東或謂之猷或謂之干干者捍也關西謂之盾

張揖埤蒼曰戟盾也

廣雅曰果科干猷櫓戟盾也

龍魚河圖曰盾名自障

禮記曰仲夏之日命樂師修鞀鞀鼓均琴瑟管簫執干戚戈羽

又曰春夏學干戈秋冬學羽籥皆於東序

又曰季夏以禘禮祀周公於太廟朱干玉戚冕而舞大

武

鄭玄曰朱干亦大楯也

周禮曰旅賁氏掌執戈盾夾王車而趨喪紀則衰葛執

戈盾

又曰方相氏掌蒙熊皮黃金四目玄衣朱裳執戈揚盾帥

百隸而時難

又曰司兵掌五兵五盾各辯其物與之等以待重事

鄭玄

註曰五楯干櫓之屬其名未盡聞也

又曰司戈楯掌戈楯之物而頒之

又曰魯及齊戰於炊鼻

杜預曰炊鼻魯地

齊子泉捷從泄聲子

聲子魯大夫也射之中楯瓦繇軻汰軻七入者三寸

又曰宋樂祁獻趙簡子楊楯六十

太平御覽卷三百五十六

欽定四庫全書

太平御覽卷三百五十七

宋 李昉等 撰

兵部八十八

楯下

彭排

銜枚

楮

椎

楯下

春秋元命苞曰帝桔戴干是謂清明發節移度蓋象招

搖

宗均曰干楯招搖為天戈戈楯相副戴之者象見天中以為表者也

史記曰項羽在戲下欲攻沛公沛公從百餘騎因項伯面見羽謝無有閉關事羽既饗軍士中酒亞父謀欲殺沛公今項莊拔劍舞坐中欲擊沛公樊噲在營外聞事急乃持劍楯入營衛士止噲噲直撞入立帳下羽目之問為誰良曰沛公參乘樊噲羽曰壯士賜之卮酒彘肩噲既飲酒拔劍切而啗之羽曰能復飲乎曰臣死且不

避豈特卮酒乎

漢書曰周亞夫子為父買尚方甲楯五百被

張晏曰被具也

可

以葬者取傭苦之不與錢傭知其盜買縣官器怨而上變告子事連污亞夫亞夫嘔血死

又曰晁錯上言曰曲道相伏險阨相薄此劒楯之地也弓弩三不當一

謝承後漢書曰孟政字子節地皇六年為府丞虞卿書佐時太守缺丞視事毗陵有賊丞討之未到縣道路逢

賊吏卒迸散政操刀楯與賊相擊丞得免難政遂死於路
又曰江漢字子甫遷丹陽太守是時大江劇賊余來等
剽擊牛渚丹陽邊水諸縣居民毆略良善經歲為害漢
到郡會集勁士脩整戰具鈎鑲刀楯大戟長矛弓弩勁
兵轉送承接余來亟戰失利遂見梟獲孝順帝喜其功
賜以劍珮

後漢書曰袁紹為高橈起土山射曹操營中皆蒙楯而行
東觀漢記曰逢萌字子康北海人少有大節家貧給事

為縣亭長尉過迎拜問事尉去舉楯搥地歎曰大丈夫
安能為人後耶遂去學問

魏志曰建安五年太祖軍於官渡袁紹進保武陽稍前
依沙埕為屯合戰不利紹射營中雨下行者皆蒙楯衆
以大懼

又曰太祖與呂布戰太祖募陷陣典韋先將應募者數
十人皆衣兩鎧棄楯但持長矛撩戟

魚豢魏畧曰鮑出字文才京兆新豐人也遊俠興平中

三輔亂出母為賊所畧出攘臂結袵獨持楯追之行數里及賊殺數十餘人賊乃解還母

韋昭吳書曰魯肅欲渡汭衆騎追肅肅植楯引弓射之矢貫洞騎度不制乃相率還

吳錄曰交趾朱鳶縣有檳榔正直高六七丈葉大如楯王隱晉書曰朱伺字仲文小為才門將陶丹給使吳平內涉江夏便鞍馬弓弩刀楯射獵

于寶晉記曰吳軍師張悌帥衆一二萬濟江與討吳護

軍張翰揚州刺史周陵成陣相對沈瑩領丹陽銳卒刀
楯五千號青巾兵屢陷堅陣

沈休文宋書曰宗越南陽葉人也為隊主蠻有為寇盜
者常使越討伐往輒有功家貧無以市馬刀楯步出單
身挺戰衆莫能當每一捷郡將就賞錢五千因此得買
馬

宋略曰寧朔將軍益州刺史劉豪少工刀楯勇冠三軍
及在漢中忽修長生之術使道士合金丹餌之因而死

及就殮尸弱如生

宋元嘉起居注曰御史中丞劉損奏風聞前廣州刺史
韋朗蒞任虐法暴濁是彰於州所造牙楯三十幡朱畫
青綾楯三十五幡請以見事追免朗前所居官

南史王洪軌侍高帝以身捍矢高帝曰我有楯卿可自
防答曰天下無洪軌何有哉蒼生方亂豈可一日無公
矣帝甚賞之

齊書曰王宜興吳興人也形狀短小而果勁有膽力少

年時為刼不須伴郡縣討逐圍繞數十重終莫能禽
賞舞刀楯使十餘人以水交灑不能著

北史曰後魏蠕蠕犯塞以任城王雲為中軍大都督從
獻文討之過大磧雲曰夷狄馬初不見虎頭楯若令舞
楯在前破之必矣帝從之於是相率而歌方駕而前大
破之獲其兇酋

英雄記曰公孫伯圭追討叛胡丘力居等于管子城伯
圭力戰兵乏食馬盡煮弩楯啖食之

又曰袁紹討公孫瓚先令趙義精兵八百強弩千張以
為前登瓚輕其兵少總騎騰之義兵伏楯下一時同發
瓚軍遂大敗

蔡邕月令章句曰洪範經云兵革並起兵謂金刃革
謂甲楯

又曰審五庫之量金鐵皮革

張敞晉東宮舊事曰東外崇福門門各羗楯士幡雞鳴
戟十張

陶公故事曰臣侃奉獻金華大羗楯五十幡青綾金華楯五十幡

王琰冥祥記曰東海何敬叔少而奉佛至泰始中隨湘中刺史劉韞監營浦縣敬叔時遇有旃檀製以為像像將就而未有光材敬叔意願甚懃而營索無處憑几微睡見沙門語敬叔云縣後何家有一桐楯甚堪像光其人極惜之苦求可得也敬叔寤問縣後果有何家因求買楯何氏云實有此楯甚愛惜之明府何以得知敬叔

具說所夢何氏驚奉以製光

山海經曰羿與鑿齒戰于壽華之野羿射殺之羿持

弓矢鑿齒持盾戟

郭璞曰鑿齒人類齒如鑿長五六尺

又曰開明北有鳳鳥鸞鳥背戴楯

張華博物志曰朝廷都許時上先人刀劒楯物及銅大

盆殿上四角鼎皆先後所賜得也

劉義慶世說曰魏武征袁本初治裝餘有數十斛竹片

咸長數寸衆並謂不堪用正合燒除太祖意甚惜思所

以用之謂可以為竹甲楯而未顯其言馳使以問楊主
簿德祖應聲荅與帝正同衆伏其辯悟

異苑曰河南褚襄字季野將北伐車士忽同時唱言可
各持兩楯復相謂曰一人焉用兩為及敗悉負櫓而退

國語曰桓公問曰齊國寡甲兵為之若何管子曰輕過

而移諸甲兵

賈逵曰輕過輕罪也移諸甲兵以甲兵贖罪也

桓公曰為之若何

管子對曰輕罪贖一楯一戟

潛夫論曰虜或持銅鏡以象兵或負板案以類楯遑遽

擾攘未能相一誠易制也

淮南子曰夫拈淇衛菌路

音路高誘曰拈剪拈也
淇衛菌路箭所出也

載以

銀錫

載師也師
翦以銀錫

雖有薄縞之襜腐荷之櫓

荷蓮草也
櫓大楫也

然

猶不能獨穿也若假之筋角之力弓弩之勢則貫兕甲

而經革楯矣

楊泉物理論曰古有祁帥之刀蘇家之戲皆為良工利

器時所寶貴也夫刀者身之寶也楯者身之衛也禦難

之藩牆守之城池也

夢書曰夢得鑲楯憂相負也

漢書楊雄校獵賦曰賁育之倫蒙楯負羽杖鎔鉞而羅者以萬計

吳都賦曰杭神龍之華殿施榮楯而捷獵

勾踐將伐吳作榮楯嬰以

白壁鏤以黃金狀若龍蛇以獻吳王王受之施於姑蘇臺姑蘇臺捷獵例次貌也言今起神龍殿亦施此物也

又曰干鹵鋌暘夷勃盧之施

又曰家有鶴膝戶有犀渠

李尤楯銘曰吳旂魯猷戎兵特須也

張奐與崔子真書曰僕以元年到任有見兵二百馬如
牯羊矛如錐鏃楯如榆葉

陶侃答慕容瓌書曰當今揚淮銳勇飛廉超驥收屈盧
必陷之矛集鮫犀不入之楯

庾闡責五員文曰自我來思踰歷中春淒風跨月芒雨積
旬地藉濕蓐室無完幕負楯傳時仗櫓擊柝

謝尚餉楊征南書曰五尺金斷頭刀一口碧綾車中楯
一審

又與張涼州書曰今致碧綾車中楯一

彭排

釋名曰彭排旁也在旁排敵禦攻也

晉安帝紀曰劉裕大破孫恩於麻山恩以彭排自載僅得還船

諸葛亮軍令曰帳下及右陣各持彭排

銜枚

詩曰我東曰歸我心西悲制彼裳衣勿士行枚

鄭玄曰勿猶無

也示初無行陣
銜枚之事者也

禮記曰升正柩諸侯執紼五百人皆銜枚

周禮曰銜枚氏下士二人徒八人

鄭玄曰枚狀如箸橫銜之

銜枚氏

掌司囂

察囂讙者謂其聒亂

國之大祭祀令禁毋囂軍旅田役令

銜枚

為其言語以相誤也

國語曰吳王起師軍于江北王軍于江南越王乃令左

軍銜枚泝江五里以役亦令右軍踰江五里以須

賈逵逆流

而上曰泝徑渡日踰須待也

夜中乃令涉江鳴鼓中水以須越王以

其中軍私率六千人銜枚以襲攻之吳師大北

史記曰項梁率師攻秦秦使章邯距梁章夜銜枚擊楚
殺項梁

陸賈楚漢春秋曰高祖向咸陽南趣宛宛堅守不下乃
匿其旌旗人銜枚馬束口龍舉而翼奮鷄未鳴圍宛城
三匝宛城降

漢書曰秦將章邯圍魏王咎於臨濟田儼將兵救魏章
邯夜銜枚擊大破齊軍殺儼於臨濟下

又曰趙充國擊西羌至金城須兵滿萬騎欲渡河恐為虜所遮即夜遣三校銜枚先渡渡輒營陣會明畢

東觀漢記曰吳漢伐蜀分營於水南水北北營戰不利乃銜枚引兵往合水南營大破公孫述

梁祚國統曰孫權嘗賜甘寧酒米寧以米賜帳下乃以銀碗酌酒自飲次與其郡督次酌其次命銜枚出斫敵王隱晉書曰毋丘儉文欽反遣鄧艾進屯樂嘉欽果夜銜枚襲艾等昧爽至於城下

又曰王浚都督幽州諸軍事成都王使和演發兵殺浚
單于以演謀告浚州府逼近街枚密嚴夜與單于圍
演演持白幡請降

孫嚴宋書曰柳元景總軍北討元景至弘農營於開方
口衆軍並造陝下元景遣軍副柳元怙簡步騎二千一
宿而至遂合戰元怙悉偃旗鼓士馬皆銜枚潛師伏甲
而進既出賊不意虜衆大駭

王智深宋書曰劉誕作亂孝武帝使沈攸等伐之於是

龍驤將軍卜天生推車塞塹率敢死數百人銜枚先登
羽鑿齒漢晉陽秋曰初魏軍始入蜀劉禪分二千人付
羅獻留守吳聞蜀敗遂起兵遣臧憲謝詢等水陸並到
說獻以合從之計獻謂諸將曰今據孤城百姓無主吳
人因釁公敢西過宜一決戰以示衆心遂銜枚夜出擊
破憲

盧緄晉四王起事曰天子自鄴至洛右將軍張方逼帝
幸長安河間王率參佐到灞水上迎人兵去路百餘步

枚街屯列

崔鴻後秦錄曰永和二年遣武衛姚鸞營於大路晉將
沈林子簡其軍中精銳朱遠等街枚夜襲鸞營鸞死
之

又前涼錄曰張璩字元琰年十四拜奉車都尉從梁肅
征隴右與王擢遇於邢崗相拒十日璩街枚密擊大破
之由是顯名

又蜀錄曰李特使弟驤屯軍毗橋以備羅尚尚遣將張

興偽降於驤以觀虛實興夜歸白尚尚遣精勇萬人銜枚隨興夜襲驤營驤及將士奔於流柵

越絕書曰吳王闔閭問伍子胥軍法子胥曰王身將即疑船旌麾兵戟與王船等者七艘將軍疑船兵戟與將軍船等三船皆居於大陣之左右有敵即出就陣吏卒皆銜枚教歌擊鼓者斬

曹瞞傳曰公將襲袁紹軍乃選精銳步騎皆銜枚縛馬口夜從間道出人抱束薪至紹圍屯大放火營中驚亂

大破之

太公六韜曰以少擊衆必以日之暮人操炬火合則滅之或鼓呼而行或銜枚而止

吳孫子三十二壘經靈輔曰移車移旗以順其意銜枚而陳分師而伏後至先擊以戰則克

魏文帝兵書要畧曰銜枚毋譁唯令之從

左思吳都賦曰銜枚無聲悠悠旆旌

倍

服虔通俗文曰大杖曰梠

魏志曰鍾會及囚將軍胡烈等與子疏云會帳下督丘建密說消息會已作大坑白梠數千欲呼外兵入以次梠殺投置坑中外兵乃殺會

曹瞞傳曰操為洛陽北部尉繕治四門造五色棒懸門左右各數十條有犯禁者不避豪強輒棒殺之

虞翻江表傳曰孫皓以張布女為美人皓先殺布後問美人曰爾父何在答曰賊已殺之皓大怒即棒殺美人

沈約宋書曰後廢帝昱或有忤意者輒加以虐刑有白
梃數十枚各有名號鉞鑿錐鋸之徒不離左右嘗以鐵
錐錐人陰破

六韜曰方胥鐵梃重十二斤柄長五尺千二百枚一名

天棒

許慎注曰大杖以挑為之
擊殺昇是以鬼畏挑人也

抱朴子曰吳遣將軍討山賊中有善禁者每交戰官軍

刀劍皆不得拔將軍乃多作勁木白棒擊之禁不復行

因而剋賊

又曰余願世人改其無檢之行除其驕簡之失則趙勝之門無去客黃祖之棒無所用矣

晉宣帝教曰當教諸圍上守土皆作棒人一枚輕重長短者各各可守皆當頭施紉挂臂賊破死在旦夕邂逅衝突圍當以楮楮之

高堂隆陳災異表曰石氏星占曰天楮五星之杖也主撾楮亂兵客星彗茀干犯楮兵大起二年消復之宜罷省百役勿使士卒怨於勤苦而為亂足其廩食度可

勞然後用之則士卒安而無亂兵矣

椎

史記曰張良為韓報讎得力士為鐵椎重一百二十斤
擊始皇博浪沙中誤中副車

又曰朱亥袖四十斤鐵椎椎晉鄙

漢書曰淮南厲王長高帝少子也有才力力扛鼎乃往
請辟陽侯出見之即自袖金椎椎之命從者刑之

太平御覽卷三百五十七

欽定四庫全書

太平御覽卷三百五十八

宋 李昉等 撰

兵部八十九

鞍

轡

鞚

勒

鑣

鞍

說文曰鞍馬鞞具也

漢書曰孝宣許皇后元帝母也父廣漢昌邑王侍郎從武帝上甘泉誤取他郎鞍以被其馬發覺吏劾從行而盜當死者詔下蠶室後為宦者丞

司馬彪漢書曰光武徵趙喜引見賜鞍馬待詔公車

東觀漢記曰景丹將兵詣上上勞勉丹出至城外兵所下馬坐鞍旃毼登上

又曰王莽誅諸謀者季次元聞事發覺被馬欲亡馬駕

在轅中惶遽著鞍上馬出門顧車乃自覺止

又曰章帝曰明德后時廣平鉅鹿樂城王在邸入問起居朕從上望見車騎鞍勒皆純黑無金銀采飾馬不踰六尺於是以白太后即賜錢各五百萬

英雄記曰呂布刺殺董卓與李傕戰敗乃將數百騎以卓頭擊馬鞍走出武關

魏志曰許褚從討韓遂馬超於潼關太祖將北渡臨河濟先渡兵獨與褚及虎士百餘人留南岸斷後超將步騎萬

餘人來奔太祖軍矢下如雨褚乃扶太祖上船賊戰急軍爭濟船重欲沒褚斬攀船者左手舉馬鞍蔽太祖船工為流矢所中死褚右手並棹船僅乃得渡是日微褚幾厄又曰太祖馬鞍在庫為鼠所齧庫吏懼死鄧哀王冲以刀穿單衣如鼠齧者謬有愁色太祖問之冲曰俗以鼠齧衣者其主不吉太祖曰此妄言耳俄而庫吏以齧鞍問太祖笑曰兒衣在側而齧况懸柱乎

魏略曰五官將知王忠昔常噉人時因從駕出行令取

冢間觸牐著忠擊馬鞍以為嬉笑

吳志曰曹公破走魯肅先還權大請諸將肅將入閣拜權起禮之謂曰子敬孤持鞍下馬相迎足以顯卿未肅趨進曰未也衆人聞之無不愕然就坐徐舉鞭曰願至尊威加乎四海總括九州克成帝業更以安車蒲輪徵肅始當顯耳權拊掌欣笑

又曰孫權每田獵乘馬射虎常突前攀持馬鞍張昭變色而前曰將軍何有當爾夫為人君者謂能駕禦英雄

驅使羣臣豈謂馳逐於原野校勇於猛獸者乎如有一旦之患奈天下笑何

後魏書曰傳永有氣幹拳勇過人能手執鞍橋倒立馳騁江表傳曰孫策討祖郎生獲之策謂郎曰爾昔斫孤馬鞍今創軍立事除棄宿恨汝莫怨怖郎叩頭謝罪即破械賜衣署門下賊曹

魏百官名曰紫苔題頭高橋鞍一具

三輔決錄曰平陵士孫奮富聞京師梁冀知奮儉悵以

鏤衢鞍遺奮從貨五十萬

西京雜記曰武帝時身毒國獻白光琉璃鞍在暗室光照十丈

又曰武帝得貳師天馬造玫瑰石為鞍

異苑曰昔有人乘馬山行遙望岫裏有二老公相對擣蒲遂下騎造焉以策拄地而觀之自謂俄頃視其馬鞭漉然已爛顧瞻其馬鞍體骸枯朽既還至家無復親屬一慟而絕

六韜曰車騎之將軍馬不具鞍勒不備者誅

陸景曲記曰周世以膏腴之沃壤豐鎬之寶地大啓封境以封秦釋鞍授鞚假驥他人欲無陵已其可得乎

傅玄馬射賦曰百馬齊興六驥孔閑金銜玉羈文防鏤鞍明珂景服華叢采鮮

古樂府左延年從軍詩曰從軍何等樂鞍一驅乘雙駃馬照人目龍驤自動作

謝惠連詩曰挂鞍長林側飲馬修川湄

劉琨扶風歌曰擊馬長松下發鞍高岳頭

魏曹植上銀鞍表曰於先武皇帝代勅賜銀鞍一具初

不敢乘謹奉上

宋劉義恭謝金梁鞍啓曰賜臣供御金梁橋鞍制作精
巧宜副龍駟聖慈下逮猥垂光賜

後漢李尤鞍銘曰驅騫馳逐騰躍履踐雖其捷習亦有顛
沛并羸其瓶罔不斯敗

轡

釋名曰轡紼也言牽引紼紱以制馬也

詩曰我馬維駒六轡如濡

又曰我馬維駉六轡沃若

又曰駟驥孔阜六轡在手

周禮曰挈壺氏挈轡以令舍

又曰大馭掌馭王路以祀及犯軼王自左馭馭下祝登
受轡犯軼遂驅之

家語曰古者天子以內史為左右手以德法為銜勒以

百官為轡善御馬者正銜勒齊轡策均馬力和馬心故
口無聲而馬應轡策不舉而極千里善御人者一其德
法正其百官均齊人力和安人心故令不再人順從刑不
用而天下理矣

又曰善御馬者正身以總轡

又曰閔子騫為費宰問政於孔子孔子對曰君者人也
吏者轡也刑者策也人君之政執其轡策而已矣

又曰孔子適衛衛將軍文子問曰今齊之以刑而猶弗

勝何禮之齊也孔子云禮譬之於御則轡也

漢春秋曰大駕公卿奉引大僕執轡大將軍陪乘光武
東京郊祀法駕則河南尹奉引奉車都尉執轡侍中叅
乘

孔叢子曰夫子云夫政令者人君之銜轡所以制下也
管子曰凡赦者小利而大害也故久而不勝其禍故赦
者馬之委轡也無赦者痤疽之礦石也

列子曰凡御者得之於銜應之轡得之手應於心

淮南子曰權衡者人主之輿爵祿者人臣之銜轡矣
又曰王良造父御也上車攝轡馬為齊整

班固東巡頌曰乘輿動色羣后屏氣萬騎齊鑣千乘弭
轡

魏明帝善哉行曰百馬齊轡御由造父

後漢李尤轡銘曰轡銜在手急緩必時賞罰在心和
是思馬知良御進取道里人知善政令行禁止

鞚

張揖埤蒼曰靽

音的

馬韁也靽馬勒也韁

音面

靽

音羈

勒靽也

靽

音祖

柔皮也

服虔通俗文曰所以制馬口曰靽

環濟吳紀曰大皇帝征合肥未下因徹軍還兵呂蒙等共留津北魏將張遼奄至圍數重蒙等死戰既破圍上馬出升浮橋南已絕丈餘無板谷利時為親近監白曰至尊牢攝鞍緩靽利常著靽以增馬勢於是得渡

晉書曰溫嶠字太真王敦舉兵內向六軍敗績太子將

自出戰嶠執鞚諫太子乃止

晉起居注曰冠軍將軍王浹表臣已發許昌城內北人諸將孫凱等謀欲逼臣留身驅遣南人臣初出城門乃相纏繞牽臣馬鞚臣手刃斬截僅乃得出

應瑒馳射賦曰放鞚長騁神足奔越終節三驅矢不虛發陳琳武庫賦曰馬則飛雲絕景直鬐騶騶走駿驚颿步象雲浮受銜斯遊飲鞚則止

傅玄銀馬賦曰奮疊沛父虎據麟時望雲睇景乘虛四

起縱銜則任攬鞚則止

成公綏射兔賦曰收輔車之雙轡舍良馬之長鞚禽迅羽之輕焱截逸足之狡弄盈得獲於後乘充庖廚之所貢夏侯湛征邁辭曰上伊闕兮臨川柑駿馬兮授鞍中衢兮載歎歛鞚兮盤桓

閔鴻與劉子雅書曰若能控奔驥以接驚乘則力追者萬羣傾循翅以顧短翮則歸飛者如雲

勒

劉芳毛詩箋音義証曰轡是御者所執者也不得以轡
為勒且舊語云馬勒不云轡以勒為轡者蓋是北人避石
勒名也今南人皆云馬勒而以鞚為轡反覆推之此為
明証又詩稱執轡如組

又曰六轡在手以所執為轡審矣今俗儒咸以轡為勒
而曾無悟者

家語曰閔子問政於孔子孔子曰不能御民者棄其德
法專用刑辟譬猶御馬棄其銜勒而專用箠策馬必傷

車必敗無德法而用刑民必流國必亡

漢書曰呼韓耶單于甘露三年正月朝天子於甘泉宮
賜以冠帶衣裳玉具劔安革勒一具馬十五疋

王隱晉書曰愍懷太子好卑車小馬小牛令左右騎斷
羈勒使墮地

蕭方等三十國春秋曰涼州胡安據盜發張駿墓得珊瑚
馬鞭馬腦鍾黃金勒

鄴中記曰虎韓勒呼馬勒曰轡羅勒曰香菜

永昌記曰哀牢王出入射獵騎馬金銀鞍勒如翠毛之飾

淮南子曰鴈門之北狄不穀食賤長貴壯各上氣力人不弛弓馬不解勒便之也

說苑曰田子方度西河造翟黃翟黃乘軒車載華蓋黃金之勒約鎮簾席如此者具駟十八乘子方望以為人君翟黃至而子方曰子人臣也將何以至此對曰此皆君之賜也臣進五大夫祿爵倍以故至

如此

韓陽天文要集曰造父五星在傳舍南造父洗馬轡勒
銜鑣

案據詩曰騏驎伏吳坂不與伯樂俱驚馬同銜勒豈得
獨卓殊

魏文帝馬腦勒賦曰馬腦玉屬也出自西域文理交錯
有似馬腦故其方人因以名之或以繫頸或以飾勒余
有斯勒美而賦之命陳琳王粲並作詞曰夫珍物寄中

山之崇崗稟金德之靈施含白虎之華章扇朔方之玄
氣喜南離之焱陽歛中區之黃彩曜東夏之純蒼苞五
色之明麗配皎日之流光內炤浮景外鮮文繁奇章異
彩的爍其間爾乃藉彼朱罽華勒用成駢居列跼煥若
羅星

應瑒馳射賦曰群駿籠茸於衡首咸皆腰褭與飛兔隴
修勒而容與並軒翥而厲怒

陳琳馬腦勒賦曰五官將得馬腦以為寶勒美其英綵之

光艷也使琳賦之爾乃他山為錯荆和為理制為寶勒
以御君子

王粲馬腦勒賦曰因姿象形匪彫匪刻厥容應規厥性
順御世嗣之駿服兮表駉驥之儀

王沉馬腦勒賦曰厥象伊何如規之盈鰈鱗紆鬱白黑
殊形如水之潔如玉之貞固乾坤之所有兮匪雕鏤而
自成爾乃施飾龍首加服鸞鑣和鈴鏘鏘迴景逍遙

鑣

釋名曰鑣包也所以在傍苞鉞其口也

說文曰鑣馬銜也銜馬勒口中也

爾雅曰鑣謂之鑣

詩曰游於北園四馬既閑輶車鸞鑣載獫狁

毛萇曰輶軒也

獫狁驕田犬也鄭玄曰軒車驅逆之車也置月於鹿者異於乘車也

釋智匠古今樂錄曰明帝休成之樂歌曰玉鑣息節金

輶懷音

文士傳曰山巨源為吏部郎欲舉嵇康自代康聞與之

書曰譬猶禽鹿少見馴育則服教從制長而見羈雖飾以金鑣饗以嘉肴愈思長林而志在豐草

魯國先賢志曰黃伯仁龍馬頌曰揚鑣鸞兮揮紅沫之播飄

鹽鐵論曰古者庶人賤騎繩控草提皮薦而已及其後革鞍攻成鐵鑣不飾

又曰古者樵車無輪棧車無輓其後木鈴不衣長轂敗幅今富者銀黃華左搔以結綏錯鑣塗朱珥靳飛鈴

楚辭曰絕鑣銜以馳驚兮暮著次而敢止路蕩蕩其無人兮遠不御兮千里

棗據詩曰貞偽各有分駑驥不齊鑣

陶琬之詩曰我服既暉我駟既閑揚鑣警路哀籥清綿

桓玄集載琬之
為江州主簿

宋文帝登景陽樓詩曰士女炫街里軒冕曜都城萬軫揚金鑣千舳樹蘭旌

袁淑游新亭曲水詩序曰離榭修幕陵隧彌阜鑣容旆

綵袞野麗雲

鮑昭詩曰飛鑣出荊路驚服入秦州

王沉踐行賦曰六龍齊鑣鸞聲振振景動波迴天行星
陳

張協玄武館賦曰天子翔翔郊甸順時巡省龍駟騰鑣
羽騎遊騁顧流光以鞍轡迴鸞旗而時幸

李充穆天子賦曰其馬則赤驥盜驪騂騄耳揚和齊
鑣一瞬萬里

董子曉乘輿駁馬賦曰軀觀若斯氣勢雲披銜金鑣着玉羈

顏延之七繹曰梓工飾雕簞之輿涓人進龍圖之馬韞駕則眩奪鳳蓋振鑣則圜促函夏故動軻馳光舉策流赭張委九愍曰映金箱之羽蓋鳴玉衡之鸞鑣望天路以振策指萬里於崇朝

殷琰宣貴妃誄曰嚴位服於旗容尚徽謚於銘策節哀路於蕭鐘齊行鑣於鯨羣

應璩與劉文達書曰僕頃倦遊談之事欲修無為之術不能與足下齊鑣騁轡爭千里之表也

桓溫與慕容暉書曰自滄流以北幽朔以東將軍皆以羈落而總率之矣首尾脣齒左右力用鳴鏑揚鑣動數十萬

太平御覽卷三百五十八